

161.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 20. (hitnoj) sjednici održanoj 10.04.2020. godine, d o n o s i

### **ZAKON**

#### **o dopuni Zakona o poticanju razvoja male privrede**

##### **Član 1.**

##### **(Novi član 10a.)**

U Zakonu o poticanju razvoja male privrede („Službene novine Zeničko-dobojskog kantona“, broj: 7/16) iza člana 10. dodaje se novi član 10a., koji glasi:

##### **„Član 10a.**

##### **(Izuzetne okolnosti)**

- (1) U izuzetnim okolnostima nastalim usljed stanja prirodne nesreće, epidemije, pandemije, elementarne nepogode, finansijska sredstva Ministarstva za privredu namijenjena za poticanje razvoja male privrede se mogu koristiti za pomoć i saniranje nastalih posljedica u poslovanju male privrede, a kao vid poticaja privredi na području Zeničko-dobojskog kantona.
- (2) U slučaju iz stava 1. ovog člana, finansijska sredstva će se koristiti prema programu utroška, odnosno prema aktima koje donosi Vlada na prijedlog Ministarstva.“

##### **Član 2.**

##### **(Stupanje na snagu)**

Zakon stupa na snagu danom donošenja i bit će objavljen u „Službenim novinama Zeničko-dobojskog kantona“.

Broj: 01-02-5375/20  
Datum: 10.04.2020. godine  
Zenica

**PREDSJEDAVALJUĆI**

**Čazim Huskić, s.r.**

.....

162.

Na osnovu člana 37. stav (1) tačka f) Ustava Zeničko-dobojskog kantona i člana 100. stav 1. Zakona o zdravstvenoj zaštiti („Službene novine Federacije BiH“, broj:46/10 i 75/13), Skupština Zeničko-dobojskog kantona na 20. (hitnoj) sjednici održanoj 10.04.2020. godine, donosi:

### **ZAKON**

#### **O UVJETIMA KOJE TREBA ISPUNJAVATI KANTONALNA BOLNICA**

#### **DIO PRVI – OPĆE ODREDBE**

##### **Član 1.**

##### **(Predmet)**

- (1) Ovim zakonom propisuju se uvjeti koje treba ispunjavati kantonalna bolnica u pogledu: djelatnosti, organizacije, dijagnostike, kadra, bolesničkih postelja, prostora i opreme za pružanje bolničkih djelatnosti, nadzor, kaznene odredbe, prelazne i završne odredbe.
- (2) Na području Zeničko-dobojskog kantona može se osnovati samo jedna kantonalna bolnica.

##### **Član 2.**

##### **(Gramatička terminologija)**

Gramatička terminologija korištenja muškog i ženskog roda za pojmove u ovom Zakonu uključuje oba roda.

#### **DIO DRUGI – DJELATNOST, ORGANIZACIJA, KADAR I BOLESNIČKE POSTELJE**

##### **Član 3.**

##### **(Djelatnost)**

- (1) Kantonalna bolnica može obavljati samo djelatnost utvrđenu osnivačkim aktom Skupštine Zeničko-dobojskog kantona i rješenjem Ministarstva zdravstva Zeničko-dobojskog kantona.
- (2) Kantonalna bolnica može obavljati najsloženije oblike specijalističko-konsultativne zdravstvene djelatnosti i bolničke zdravstvene djelatnosti na tercijarnom nivou zdravstvene zaštite, u skladu sa rješenjem Federalnog ministarstva zdravstva.